

Egei Polha Sa Efesus O Kediāmokōu Nalama Nei

Tawale Ta

Pol e didio mosokou duwoli, kuguo nalamamou, o Tikikuskou, na kuguo koku mala ile, sa Efesus o kediāmokōu neyede tobou.

Afu kelege, Polha sa Efesuskou bolou kege ile folo, sa ke tie o sasāi kediābou de dalali, Yesuha degei kaha ta ke hehegie tobou mou i. Dabai 18:19-21, 19:1-41, 20:1, na kokou dugu. Habage, e sa Efesus hafei dege ile dalali, die widio o kediāmokōu haguamabeede tobou mou, haguasieimou, e diāmokōu egele tobou. Dabai 20:17-38 kokou dugu.

Kuguo Efesus koku mahā ta sibige tanou tanou olou feibe kuhe:

Ta Hiye 1-3

Godiha degeiye, Kelesu e dibou de dogou guo dalamou, di gehe dege dalagua kuhe.

Ta Hiye 4-6

Dibe Yesu Kelesuha tou sa degei kaha degemou, di Godiha midihō kenou milou game.

Ta hiye 4-6 keme sibige sudo dala. Sibige kamadia kegebe kou gue:

Obou sasai bou hulomou daladi kaha ta - Efesus 5:21-33.

Adiou aye bou sisigobou olou fei kaha ta - Efesus 6:1-4.

Tamabou de biyadi bimai ke olou fei tefele tou ma dalale kaha ta - Efesus 6:10-20.

Godiha degeye, Kelesu e dibou de dogou guo dalamou, di gehe dege dalagua kuhe

(Ta Hiye 1-3)

¹ Ame Pol, Godi yonu tagaiyenou ame Yesu Kelesuha ta-bolofei-mala-siadi-o degei. A kuguo konyu nalama, Yesu Kelesukou damaleyodema sesedi o sasai, sa Efeskou dalagua nimokou nelikuhe. Nime Godiha o sasai.

² Di Aye Godibou, di Hiye O Yesu Kelesubou dilie nimokou habagugueiba, nime bologuado dalamabadomou.

Yesu Kelesuha degeiyenou, Godiha hebeni bimai bolofei ke olou fei dimokou nei

³ Di Godiha hu hebele fogume. Eme di Hiye O Yesu Kelesuha e Aye Godi. Kelesuha dibou de dogou guo dala kaha degemou, Godiha hebeni bimai bolofei ke olou fei dimokou nei, di damaleyodei midihokou sesele imabadomou.

⁴ Damaledo, sa sibige konyu milou li mei kelegebe, Godihage Kelesube dibou de dogou guo dalaleyodema kou makai. Kegei kaha degemou, dibe midihokou kasagai kaha hebe keme ta moloonyu

mei, Godihā ē dihīle kokōu dibe yoŋu ē bi bolōnōu dalaguale.

⁵ Godihā yoŋu tagaiyenōu dibe yoŋu ē sisigodo dege dalaguamabadomōu makai. Yobe, Yesu Kelesu ɛme dibōu de dogōu guo dalale kaha degemōu, Godihā kege kuhe degei.

⁶ Godihāge ē Dihibe yoŋu kōu tagaidoye, kenōu si ē dimokōu hiyedo habaguguemōu, ē Dihi ke dimokōu nej. Kegei kaha degemōu, dige Godikōu hohōbolōu ba, ē hū hebele fogume.

⁷ Godihā di habaguguemōu, Kelesu tobōu mōu hagua tolo ilemōu, di mamou. Kelesuhā kafei ke migi kahāge, Godihāge di midihō kasagai keme gebe meiyodei.

⁸ Damalēdo, Godihā di solōu do hiyedo degei kaha degemōu, ē tewe hiyedobōu, ē fimai bolōdobōu de dimokōu nej dala kuhe.

⁹ Afu, Godihāge Kelesuhā habage degeley-odema makamā fogou keme mogogou delei haguabe demōu, ise ifinōu ē tagai sagai ke dimokōu hegi dala kuhe.

¹⁰ Godihā tagai keme kōu gue, sawisiei yoŋu makai kelegebe, ē sa sibige kōumaha bimaibōu, hebeni sa kaha bimaibōu olōu fei ke kefeguo, Kelesuhā hayedu dogoguba, ɛme widio hiyedo o dege dalale ke tagai.

¹¹ Godihā ē dabai degedibe, yoŋu tagaiya kebōu, yoŋu ē fimaiya kebōu denōu degedi. Kegemōu, ē yoŋu tagaiya kenōu Juda o sasai eibe

Kelesubōu de dogōu guo dalaba, Godihage eibe yoūu e sisigodo degeleyodema kuhe makai.

¹² Juda o sasai eibe Kelesukōu eibukōu damaleyodele i. Yomogou kelegebe, einōu Kelesukōu damaleyodema, e bohōlōu ma haguale ke dia deleigui. Godiha ei makaibe, yoūmakōu hohōbolōu ba, e hu hebele fogumabadomōu kuhe makai.

¹³ Sa ahudo o sasai ni damaledo ta uwo bolofei, Godiha ni mamoloūyodei ke dulomōu, Kelesu emokōu damaleyodeimōu be, ege niōu de dogōu guo dalamōu, Godiha e Duo Bolofei nimokōu kuhe nei. Duo Bolofei, Godiha dimokōu neleyodei ke nimokōu ne nei kaha yobe, nīne e bi degei dalagua.

¹⁴ Duo Bolofeibe, Godiha dimokōu kōu nei kaha degemōu, di tawale ilibe, bi olōu fei, Godiha e o sasai dimokōu neleyodei kene kōu neledade tawale ili. Di baha duwolobe, Godiha di mamoloūyodei kenōu baha duwoli, emokōu hohōbolōu ba, e hu hebele fogume.

Polhage Godiha sa Efesus tie kediamokōu tewe hiyedo ke neyedema diho baga tobou

¹⁵ Obe tobolōu imōu a dube, nīme Hiye O Yesukōu damaleyodema, Godiha o sasai kediamokōu solōu do degele idi ke tobolōu imōu dudi.

¹⁶ Kegemōu, a Godikōu diho baga tobōu dibe, a nimokōu hohō degemōu, emokōu bolofeyode tobōu di.

17 Godi ɛme di Hiye O Yesu Kelesuha ɛ Aye. Ɛ hohobou, ɛ nelebou debe hiyedo, di ta tawaga tobolou sagai mei. Age Godiha nimokou fimai bolofejibou, tewe hiyebou de neleba, ɛ yo[usie nimokou hegiba, ni ɛ defeido tawamabadomou diho baga tobou di.

18 A Godiha ni duledu hohoguyadomou tagali, bi bolofei, yo[u ɛ o sasai dimokou neleyodei, di dia dalagua keme nige tawamabadomou . Bi keme bolodo, di ta tawaga tobolou sagai mei.

19 Ni ke tawaibabe, Godiha dedei, damaleyodele i o sasai di dogou gudi dedei keme hiyedo. Ɛ nele hiyedo di dogou gudi keme tei haguagidi nele sagai kenou tefei.

20 Kelesu ɛ tolo imou, Godiha yo[u ɛ nele hiyedo kahanou haguagiemou, hebenikou wolou folomou, ɛ dobogo[u delekou bigimou baha duwo.

21 Kegemou, Kelesube hebeni sa tou gulido duwomou, esol o daga dagabou, duo daga dagabou olou fei kediamɛ ɛ hayedu dalagua. Damaledo, ifibe Kelesu ɛ hube hiyedo folodo, o hubou hubou olou feibe gabama folodo dala. Habagene, yo[u kegenou dalale.

22 Godiha bi olou feibe Kelesuha hayedu kefeguo dogogu dala. Damaleyodele i o sasai dine ɛ hayedu dalagua. Ɛme di widio o hiyedo.

23 Damaleyodele i o sasai dibe Kelesuha tou sa dege dala. Kenou si di Kelesukou damaleyodili

mei debabe, Kelesu ɛme tōu mei, widionōu sa dege dala.* Haba, bi olōu fei kene Kelesubōu de dala mei debabe, bimaj keme sibige mei sa dege dala.

2

Godiha degeiyenōu, o tofigiei sagai dibe Kelesubōu de fi gehe dege dalagua

¹ Afu nime Godiha ta dulo idiyo mei. Midiho kasagainōu milōu ga idi kaha degemōu, nime tofigiei sagai deleigui.

² Kelegebe, nime sa sibige kuokōu midiho kasagai ke milōu ga idibe, duo kasagai, agudiletōu dalagua kedia hiye o kaha ta ke dulomōu damaleyodema milōu ga idi. Duo kasagai kedia widio o keme Godiha ta dudiyo mei o sasai kediabōu de dogōu guo dala.

³ Damaledo, afu di olōu feine kegenōu degele idi. Midiho kasagai, di tōu e tagali ke sesele ibe, keme di diyōu di fimaj kenōu sesele idi. Di adiōu ha di mala felemōu hagueibe, Godiha gofoū feleiye dine hebe kasagai ke kōu moloū sagaiye,

⁴ kenōu si Godiha di tagalemōu, solōu do hiyedo degei kaha degemōu,

⁵ di Kelesubōu de fi gehe dege dalagua. Di midiho kasagai milōu ga idi kaha, dibe tofigiei

* **1:23 1:23** Grik taɛge ta sibige bolōu dala. Kegei kaha degemōu, Tok Pisin bohoubɛ esofej, Kalaj ta bohoubɛ esofej kege nalaj.

sa dege deleigueiye, kenou si Godiha habaguguei kahanou di mamou.

⁶ Godiha Yesu Kelesu haguagi sagai, e dine haguagiemou tobou, Kelesubou de dogou guoba, dine hebeni sa Kelesubou de dia dalaleyode tobou.

⁷ Yesu Kelesuha degeiyenou, Godiha e midihou bolodo ke dimokou hegi. Habaguguei midihou keme folodo, di ta tawaga tobolou sagai mei. Kegei kaha, habage dalaguale o sasai olou fei kediamokou ne Godiha e midihou bolofei ke hehegielamou degei.

⁸ Godiha ni habagugueimou, ni Kelesukou damaleyodeimou, Godiha ni kuhe mamou. Godiha ni mamou kaha e yobe kou guei, Godiha younou nimokou solou do degemou mou youwa kuhe mamou. Koume niou nou degeli mei, Godi younou degei.

⁹ Godiha di mamoube, di e dabai ta degeimou kaha hebeye mamou li mei, di diyou sie di hu hiye degeiye domou.

¹⁰ Yesu Kelesuha dibou de dogou guo dalamou, Godiha di duo gehe degei, dige midihou bolodo kenou milou mabadomou, afudo you kege kou degeleyode tawalemou makai delei.

Kelesuha biyadi midihou ke igile mugumou, Juda o sasibou, sa sa o sasibou olou feido mogo tanou degei dala

11 N_i tewe, Juda o eibe kolo diafigidi midih_o ke milou di, haba sa sa ahudo o n_ime eige kolo diafigidiyo mei oyodele idi. Kolo diafigidi midih_o keme sa sibige ko umaha midihonou milolou idi.

12 Tawama, afuge, n_ime Kelesube ahudo dege deleigui. N_ime Israel o sasai mei, sa ahudo tie. Godiha Israel o sasai eimokou midih_o bolohegileyodema makai keme nimokou makali mei. Godiha ta tobou ma walamai kene nimokou ta walamali mei. Nige Godibe ta tawale ili mei. Nige e nimokou midih_o bolodo degele ke ta dia deleigueli mei.

13 Damaledo, afuge, n_ime Godibe ahudo dege deleigui. Kenou si, ifi Kelesuha kafeiyenou degeiye, n_ime Godikou hagua hafei dege dala kehe.

14 Kelesuha degeiye, di olou feibe mogo tanou dege dalagua. Afudo, Juda o sasai eige sa sa ahudo o sasai n_ime ho oyodele idi. Biyadi midih_o keme takisi sa dege delei, Juda o sasai eibe ilokou, haba sa sa ahudo o sasai n_ine ilokou. Kenou si, Kelesuha takisi ke gobolou mugumou, ifi dibe mogo tanou dege dalagua kuhe.

15 Mosesha Juda o sasai eimokou kuolou ta daga daga ke ei dulo sesemabadomou hehegie tobou. Kenou si Kelesu e hagua tolo i kaha degemou, kuolou ta keme mei degei. E ke igile mugube, Juda o sasai eibou, sa sa ahudo o sasai nibou de mogo degeba, di olou fei geleguo ebou de dalamabadomou.

16 Kelesu ẹ hebe fufuguomaikou tolo i kaha degemou, Juda o sasai bou, sa sa ahudo o sasai bou di olou feibe Godibou de mogo tanou degei. Kegemou, biyadi midihog keme olou fei mei degei.

17 Kelesu ẹ haguamou, dibou de mogo degeiyode toboube, ẹ ta uwo bolofei ke sa sa ahudo o sasai nimokou bou, haba hafei dege dala o sasai eimokou bou de hehegie tobou.

18 Damaledo, Kelesuha degeiye, Duo Bolofeiha a solo umoumou, Juda o eibou, sa sa ahudo o sasai nibou, di olou fei Aye Godikou dihog бага tobolou idibe bolog.

Kelesukou damaleyodele i o sasai dibe Godiha ẹ mosog

19 Afudo Godiha sosou eige sa ahudo o sasai nime ho oyode tawale idi. Ifibe Kelesuha dogou gu kaha degemou, nime eibou de sosou tanou fei, Godiha ẹ sosou.

20 Nibou eibou di olou feibe Godiha mosog. Ta-bolofei-mala-suluguadi-obou, haba habage-degele-duguo-tobolou-idi-obou kediamе mosog mouti feya fofogueti ke sa degei. Haba Yesu Kelesu eme meleya mouti sa degei.

21 Kelesube meleya mouti sa degei, mosog hebe olou feibe meleya mouti kokou nou asou giedi. Kegemou, mosog hebe tanou tanou olou fei dogogue hobogou mou be, mosog kuhe gofou degedi. Hiye O Godihage mosog ke togoulugi, hiye degeimou be, yofu ẹ mosog bolodo ke dugulu.

22 Kelesuha n̄ibōu de dogōu guo dala kaha, n̄ine Godiha e o sasai eibōu de geleguomōu dogōu guo dala kuhe. Kegei kaha degemōu, n̄ibōu eibōu di olōu feibe Godiha moso, e togoulu kodube e Duo Bolofei dala.

3

Pol e dabaibe ta uwo bolofei ke sa sa ahudo o sasai kediamokou hehegiemou siadi

1 Kelesuhanou degeiye, di mogo tanou degemou, a ni dogou gulamou degei. Damaledo, ni dowoye a Yesu Kelesuha dabai degei kaha, ame didio o degei dala kuhe.

2 Godiha amokou habagugueguomou tobou, na ma solou do degedi ta ke sa sa ahudo o sasai kediamokou hehegiyedei keme age ni kou dulo idade tawali.

3 Godiha kou degeleyodemamou mogogou delei keme e amokou hegimou, a huyadefei kou nalai.

4 A nalai kome ni huso ubabe, ni tawale ile, Kelesuha dabai, mogogou delei kaha sibige keme a defeido tewedadele ile.

5 Kelesuha dabai kaha sibige keme afu kou guai o sasai kediage ta tawale ili mei. Godiha defeido ta hehegili mei kaha degeimou. Ifisi, Godiha e Duo Bolofei ke tobou mou hagua, Godiha ta-bolofei-mala-suluguadi-obou, habage-degele-duguo-tobolou-idi-obou kediamokou hehegie tobou.

⁶ Kelesuha dabai, mogogou delei kaha sibigebe kou gue, sa sa ahudo o sasai nibou, sa Israel o sasai eibou de ta uwo bolofei ke dulo sesele ili kaha degemou, dibe sosou tanou fei dala. Ei Kelesubou de dala sagai kenou tefei, nine Kelesubou de dala. Damaledo, di olou fei tou tanou fei sa dege dala. Godiha eimokou neleyodema makai keme e nimokou ne kou nele.

⁷ Godiha a habagugueguomou, e dedei hiyedo ke amokou solou do nelemou, e ta uwo bolofei hehegiedi dabai degeyede tobou.

⁸ Godiha o sasai kediam hubou o sasai. Kenou si ame hubou o meiyee, haba Godiha a habagugueguomou, ame sa sa ahudo o sasai kediamokou ta uwo bolofei ke hehegieyedei. Ta uwo bolofei keme Kelesuha degei ta. Dige Kelesuha e sibigebe tefeiba tefele sagai mei. Husoubane husolou sagai mei. E sibigebe hiyedo folodo, di ta tawaga tobolou sagai mei.

⁹ Godiha bi olou fei ke milou gama mei degeimou be, e youtu habage degele keme o takou ta tobou li mei. Godiha fimai keme mogogou haguabe demou, ifisi amokou youtu e fimai ke o sasai olou fei kediamokou hehegieyede tobou.

¹⁰ Godiha tagaibe, Kelesukou damaleyodele i o dige e fimai ke hebeni esol o daga dagabou, duo daga dagabou olou fei kediamokou hehegiemabodomou tagai. Godiha e fimaiibe neledo, e tewebe folodo.

¹¹ Afu, Godihage sa sibige o sasai olou fei dibe

ēbōu de dalaleyodemamōu, e di Hiye O Yesu Kelesu tobōu mōu hagua, Godi yoŋu degeleyodei ke degema mei degei.

¹² Di Kelesukōu damaleyodei kaha, di ta guē degediyo mei. Dige Kelesu eme Godikōu yale adade tawale ili.

¹³ Kegemōu, a nīmokōu tobolōu kuhe. Nige nī dowoye a hagi degeli kuokōu fi hiyedo madama. Nī mōu hohōbōu ma, a nī Godikōu yale a ke nīmokōu kōu hegi kaha degemōu, nīme hebeni hohō ke dugulo ile.

Polhage sa Efesus o sasai kedia neledo dege dalamabadomōu diho бага tobou

¹⁴ A Aye Godiha degei kokōu fimamōu, emokōu yubu sugulo fiya duwodi.

¹⁵ Godibe di Aye. Hebenitōu dalaguabōu, sa sibige kuokōu dalaguabōu olōu fei kedia die Ayeyodele idi. Sosōu olōu fei kedia die Aye tanōu.

¹⁶ Di Aye Godi eme hohōbōu nelebōu hiyedo, di ta tawaga tobolōu sagai mei. Kegei kaha, ege Duo Bolofeiha dedei hiyedo ke nīmokōu neyadomōu, a diho бага tobolōu kuhe.

¹⁷ Nīme damaleyodele i kaha degemōu, age Kelesuha nī dogōu guyedema diho бага tobolōu. Haba, age nīme Godiha tagadi midihō kene tawaleba, o sasai kedia mokōu solōu do degemabadomōu diho бага tobolōu kuhe. Tagadi midihō ke tawale ibabe, nīme neledo dege tafalaguale, hebe sa degei, tefeye mihikōu

hiligedo tou. Moso sa degei, mouti tagetou neledo dege duwolo.

18 Kegeiba, nime Godiha o sasai kediabou de neledo dege dalaguali, Kelesuha di tagadi keme hiyedo folodoyode tawale ile. Ni ahudo ibane, Kelesuha nimokou solou do dege dalale. Sugutou foloubane, e solou do dege dalale. Hayemou mubane, e solou do dege dalale.

19 Damaledo, Kelesuha di tagadibe tewe olou fei gabama feleido. Age nime Kelesuha tagadi midihogē tawaiiba, Godiha e fiibe ni duledu amamado dalayadomou dihogē baga tobolou.

20 Godiha nelebe hiyedo folodo. Dige e nele hiyedo ke defeido ta tawaiyo meiyē, kenou si e di duledube dabai hiyedo degedi. Godiha di dogou guyadomou, di ke dihogē baga tobou dibe huyadefei. Kenou si Godiha di solou do degedibe hiyedo, di Godikou yodulo idi ke gabama feleido.

21 Kegei kaha degemou, Yesu Kelesukou damaleyodele i o sasai di Kelesuha huya ke Godikou hiyedo hohobou me. Di sosou, habage dalaguale kediane Godiha hu hebele foguoba, tofousogo tofousogo kegenou kuhe hohobolou dalale. Damaledo.

**Dibe Yesu Kelesuha tou sa degei
kaha degemou, di Godiha midihogē
kenou milou game**

(Ta Hiye 4-6)

4

Damaleyodele i o sasqi dibe Kelesuha tōu sa degei

¹ Ame Pol, ame didiō o degei dala, Hiye Oha dabai degedi kaha degemōu. Age nime midihō bolō ke milōu mabeede tobolōu kuhe. Godiha ni e midihō ke sesemabadomōu hagnosisai kaha degemōu, ni midihō gehe ta milōu gadama.

² Ni niōu sie ni hu hebele fogudama. Omokōu himido degema. Neledo dege dalali, oe nimokōu midihō kasagai milōu babe, ni diamokōu hobōu bohōu milōu dama. Amafeji hemele fiya, yogo tagaiba tagaiba dema.

³ Duo Bolofeija degeiye, nime mogo degei dala kaha, ni niōu sie himi degeiba himi degeiba dema, fi tanōu dege dalama.

⁴ Dibe Kelesubōu de tōu tanōu. Godiha Duo Bolofeji ene tanōu feji. Nebe kenōu tefei, dine bi tanōu feji dia dalagua, Godiha di hagnosisai kaha degeimōu.

⁵ Di Hiye O eme tanōu feji. Godikōu damaleyodei midihō kene tanōu feji. Fafeleya degedi midihō kene tanōu feji.

⁶ Godibe tanōu fejido, di olōu feji di Aye. Godi eme di gabama folodo dala. Eme dibōu de dogōu guo dalali dabai degeli. Di duledune e dogōu guo dala.

⁷ Kegemōu, Kelesuha yoŋu tagaiya ke dimokōu dabai daga daga ke degemōu ile kaha nele ke di duledu solou do nemōu i.

⁸ Kegei kaha degemōu, Godiha kuguokou be kou gue nalai dala,

E sugutou falamou be, e o ilo kelebou de biyamamou, enou gaba tofougou mou, o kedia didio tou ma felei.

Dedei hiyedo ke e yoŋu e o sasai kediamokou nemou i. *Buk Song 68:18*

⁹ Sugutou felei kaha sibigebe kou gue, eme sugutou bukou feli mei, e sa sibige kuokou migilemou be, mihi duo mou gulido kou mulomou, haba sugutou kuhe bohoulou ma felei.

¹⁰ O mou gulido mu o kahage hebenitou tou gulidone felei, hebenibou, sa sibigebou de olou feibe, e neleyenou silemai dala.

¹¹ O kahage damaleyodele i o sasai dige e dabai daga daga degemabodomou dedei nemou i. Di ilo kelebe ta-bolofei-mala-suluguadi dabai ke degeiba, ilo kelebe habage-degele-duguo-tobolou-idi dabai ke degeiba, ilo kelebe ya, ta uwo bolofei ke tobou mou suluguaba, ilo kelebe damaleyodei o wolou daladi dabai degeiba, ilo kelebe Godiha midihog hehegiedi dabai degeiba demabodomou dedei ke nemou i.

¹² Kelesuha e dabai daga daga ke nemou i, damaleyodele i o sasai di diyou sie yogo dogou guba dogou guba deiba, dibe yoŋu e tou sagai

dege, neḷedo dege dalamabadomōu.

¹³ Di Godihā dabai keme hiligedo kegenōu degemōu iligi, damaleyodei neḷedo degeba, fi tanōu dege, Godihā Dihi ke defeido tawale ile. Di fi haguaba, damaleyodei neḷedo degeiba, Kelesu yoḥunōu dogōu guo dalaba, yoḥu tagai sagai kenōu milōu gamōu yale.

¹⁴ Kegeibasi, dibe sisigo sagai dege dalale mei. Ogōu gai egei o kedia dioḥu die fimai sagai ke tobōu babe, di ke dulo sesele mei. Wibōu, to boboubōu kaha diou bohōu guedi sagai kege degeibabe, dige sisigo ilo kelege degedi sagai kege, ogōu gai midihō ke milōu gale mei.

¹⁵ Dige ogōu gai egei keme hobōu ta dudame. Damaledo ta kenōu si di tobolōu ba, o sasai di yogo tagadi midihō kenōu milōu game. Midihō bolō ke milōu goubabe, dibe Kelesuhā dogōu guba, neḷedo dege dalaguale. Eme di widio o.

¹⁶ Dibe Kelesu e tōu sa degei. Di tanōu tanōu be e dobogoḥudiobōu, e ibigidiobōu, e sagidiobōu sa dege dalaguamōu, e momeye di dio olōu fei asōu giei dala. Kelesuhā dimokōu dedei nei kaha, di diyōu di dabai ke defeido degeligi, di damaleyodei ke hiye degemōu, di diyōu sie yogokōu solōu do degeimōu, solōu do degeimōu dedi.

Kelesukōu damaleyodele i o sasai dibe ebele midihō kenōu seseme

17 Kegemōu, a Hiye Oha huya ke n̄imokōu kōu gue tobolōu, damaleyodili mei o sasai kedia midihō, n̄i afu milōu di keme haba ta milōu dama. O sasai kediamē dioŋu die fimai, sibige mei keleya ke suluguadi.

18 Die fimaiibe hulia sa degei. Dia defeido tawaiyo mei, yobe die fiibe hiligido dalagua. Kegei kaha, fi gehe Godiha nelamōu degeli keme diage moloŋu sagai mei.

19 Midihō kasagai dioŋu milōu gadi keme dioŋuge ta sidifi degele idiyo mei. Dioŋu die tōu e tagadi midihō kasagai kōu milōu ga iligine, haba midihō kasagai gehe gehe ilo kelene milōu galamōu hiyedo degele idi.

20 N̄inōu si midihō kasagai ke milōu ga idiyo mei. N̄ime Kelesu tewe.

21 Age Yesuha damaledo t̄abe oe n̄imokōu hehegile imōu, n̄i kōu dulo idade tawali.

22 Afuge n̄ime midihō, n̄iōu tagai sagai kenōu milōu ga idi. Afu degedi midihō keme bolō mei. Midihō kasagai ke milōu ga idibe, yukuei afukōu ke sa degei, ke tele filama, kegeligi midihō kasagai kaha n̄i makeiye.

23 N̄ime Godiha n̄i fi bohōlōu gehe degeiba kuhe suluguama.

24 N̄i fi gehe Godiha miloube, Godi yoŋu e fi sa dege milou. N̄ime fi gehe kebōu denōu sulugualibe, n̄i Godiha midihō doudo kenōu milōu ga ile.

25 Fī geheḅōu de dala kaha degemōu, ogōu gai midihō milōu di keme fogōu ma. Nī nīōu sie yogokōu damaledō tanōu tobōu ba tobōu ba dema, dibe Kelesuha tōu kokōu sosōu tanōu fei dege dala kaha degeimōu.

26 Nī gofoḅu degeba midihō kasagai ta milōu dama. *Buk Song 4:4*

Gofoḅu dege dalali, aso mūda.

27 Kegeligi, nī Tamakōu a soḅugōu ba e feleiye.

28 Hiyōu moḅudi o, nā hiyōu moḅūda. Dabai degema, dabai kaha hebe kenōu malāba, naleḅōu bi ilo kelebōu de mamoloḅumaba, bi mei o kediamokōu ne.

29 Ta kasagai tobōu dama. Nī ta bolonōu tobōu ba, o sasai huyadefei damaleyodele i kedia dubabe, nī ta kaha dia dedei sasagieiba, die damaleyodei ke neleḅo dege dalale.

30 Nige Godiha Duo Bolofeikōu hagi nedama. Godiha e Duo Bolofei nimokōu nei kaha, nime e bido dalaguaba, e nī mamoloḅuyodema maka degei.

31 O nogokōu gofoḅu degeba, hagi neiba neiba dedama. Tāe biyaba susuga tobōu dama. Omokōu dafadama.

32 Damaleyodei o sasai, nī nīōu sie yogokōu midihō bolō kenōu hegiba hegiba dema. Solōu do degeiba solōu do degeiba dema. Nī nīōu sie o yogoha midihō kasagai ke gebe meiyodema. Godiha Kelesuha huya ke nī midihō kasagai keme gebe meiyodei sagai kenōu tefele degema.

5

Dibe hohoya kenou suluguame

¹ Godihage nimokou solou do hiyedo degeimou, nime e sisigo degei dalagua. Kegei kaha, nine midihog e milou di kenou sesema.

² Kelesuha di tagalemou, di dowoye yousie sesegumou, wala imou tolo i sagai kenou tefei, nine niou sie yogo tagaiba tagaiba dema. Damaledo, Kelesuha yousie sesegumou, wala imou tolo ibe, hog bolofeido, afu kou guaiye wai sipsip simou Godiha dudi sagai kegei.

³ Sasai hiyoubou, o hiyoubou de degedama. Sibigi degedi midihog keme milou gadama. O taha bimai duguo tagadama. Midihog kegei kaha ta keme huyadefeine ta tobou dama. Ta kegei keme Godiha o sasai dige ta tobolou sagai mei.

⁴ Nige mawalaba ta bou basia tobou dama. Hobou dou tobolou ba yadama. Godiha e o sasai dige kegei keme tou fogou ba, Godikou nou bolofeyode tobou basi bolog.

⁵ Ni kou gue tawama, sasai hiyou siadi obou, o hiyou siadi sasibou, midihog sibigi degei ke milou ga idi o sasibou, o taha bimai duguo tagadi o sasibou diame Kelesubou Godibou dilie wolou daladi sa kokou be ta fologale sagai meido. O taha bimai duguo tagadi o kediamе ogou gai godikou hohog degedi sagai kenou tefei.

⁶ Ta sebenou degega suluguadi o kedia tabe ni ta dudama. Niou tawaibou, o kegei kedia ni ogou gaba, nibou de a kasagai kokou yaiye. Godihage midihog kegei kenou milou gamou e ta dulo idiyo mei o sasai kediamokou be gofohu hiyedo degedi.

⁷ O kegele idi kediabou de hobou mogo degedama.

⁸ Afuge nime huliakou deleigui. Ifibe, Hiye Ohā hohog keme nibou de dogou guo dala kaha degemou, nime e hohog kaha duoya kenou suluguama.

⁹ Hiye Ohā hohoya ke suluguadi kaha sibigebe, omokou midihog bolog hehegiedibou, midihog doudo milou gadibou, damaledo ta tobou dibou kenou.

¹⁰ Haba Godiha tagadi midihog ke ni kolugi duguo tawama.

¹¹ Huliaya suluguadi o kediabou de mogo degedama. Midihog kegei kahage hebe bolofei ta molo hu mei. Nige midihog kegei keme kasagaidade tawaleba mala tama degeibasi bolog.

¹² Age o kegei kedia mogogou degele idi ke tobolou be sidifi degeli.

¹³ Kenou si Hiye Ohā hohoya ke midihog kasagai milou ga idi ke tama degeimou be, dige keme midihog kasagaidade tawale idi.

¹⁴ Hohog kaha bi takou hohogumou be, di bi ke dugudi. Kegei kaha degemou, kuguo ta kokou be kou gue nalai dala, O koyo na tiei dala debabe, na hagua.

Nā widaimikōu ge haguṣbabe, Kelesuha ẹ hoho
kaha namokōu hohogulo.

15 Kegei degemōu, nī tawaibōu suluguama.
Tewe mei o kedia suluguadi sagai kege hobōu
suluguadama. Tewe o kedia suluguadi sagai
kegenōu suluguama.

16 Sa ifi koṣu biyamōu ili koṣume kasagai
degei kaha degemōu, nī Godiha midihobe ifi kōu
bōu genōu fei milōu ma. Nīou tawaibōu, sa
biyei kasagai hiyedo ke hagua kogubabe, nī mōu
yoṣuwa fogouye.

17 Totōu dege daladama. Hiye Ohā tagali sagai
keme nī defeido tawama.

18 Tigi kolo huei gofoṣudo ke hiyedo nadama,
nī tōu bōu nī fibōu de makeiye. Duo Bolofeiha
nībōu de dalabanōu suluguama.

19 Damaleyodei o sasai nī nīou sie ta kolo ilebe,
Die Fedi Kuguo kaha ta kebōu, sosi mosokōu
ge die feile idi kaha ta kebōu, Duo Bolofeiha
hehegieimōu die fedi kebōu denōu tobōu ma. Nī
die feilebe, mogouyebōu duoyebōu olōu fei Hiye
Ohā hunōu hebele foguma.

20 Di Hiye O Yesu Kelesuha huya ke, nige
sawisiei olōu fei Aye Godikōu bolofeyodenōu
tobōu mōu ima, Godiha bi olōu fei ke dimokōu
nej kaha degemōu.

*Polha obōu sasibōu hulomōu daladi kaha ta
ke tobou*

21 Nige Kelesube ni Hiye Odade tawaleba, ni tanou tanou be Godiha o sasai ilo kedia hayedu dalaguama.

22 Sasai diama, ni maha tabe niou hiye Oha ta dulo idi sagai kenou tefele duma.

23 Yobe, damaleyodei o sasai di widio o hiye-dobe Kelesu. Nebe kenou tefei, sasai nine ni widio obe ni ma. Dibe e tou bou de geleguo tanou degei dala. Haba Kelesu eme di Mamou O.

24 Damaleyodei o sasai di Kelesuha ta dulo sesele yadi sagai kenou tefei, sasai nine ni maha ta ke defeido dulo sesema.

25 O diama, Kelesuha damaleyodei o sasai dimokou solou do degemou, di dowoye yo[usie sesegu sagai kenou tefele, nine ni sasai tagama.

26 Damaleyodei o sasai dibe Godiha bi bolodo degemabodomou, Kelesuha tagalibe, e taenou dibe fafeleya degeba, bigima, sibigi olou fei mei degema fogou dalamabodomou tagali.

27 Damaledo, Kelesuhage dibe e dihile kokou be sibigibou mei dugulo tagali. Midiho kasagai kaha hebe keme dimokou ta nele tagaiyo mei. Damaledo, Kelesuha tagalibe, Godiha hoho kahanou di silema dalaba, dibe e o sasai bolodo dege dalale tagali. Bolodo: ta tawaga tobolou sagai meido dalale.

28 Nebe kenou tefei, o nane ne sasai tagalebe, na no[usie ne tou tagadi sagai kenou tefele taga. O koyoha e sasaikou hoho degeibabe, e yo[usiene hoho degele.

29 Di tewe, obege you e tou be ta makodiyo mei. E yousie bologuado dogou guo daladi. E tou ke nele mei degeiye domou, nale nadi. Nebe kenou tefei, Kelesuha dine bologuado kege wolou daladi.

30 Yobe, dibe e dobogoubou e abogoubou, haba e tou olou fei ke sa degei dala kaha degeimou.

31 Godiha kuguokou kegei ke kou gue kou nalai dala,
Kegei kaha degemou, obe e aye e adiuou tou fogou ile, e sasaibou de dogou gubabe, dilie tou tanou fei dege dalale. *Stat 2:24*

32 Ta mogogou delei keme sibige hiyedo. Age sibige hiyedo keme Kelesuha damaleyodei o sasai dibou de dogou guo dala ke tobolou.

33 Ta sibige tabe kou gue, o na nousie hoho degedi sagai kenou tefele, ne sasaikou ne hoho degeiba, sasai nane, ne maha ta defeido dulo seseiba dema.

6

Polha sisigobou, die aye adiuou bou diamokou tobou

1 Sisigo diama, nige ni aye adiuou dia ta ke dulo sesema. Midiho keme doudo, nime Hiye O Kelesubou de dogou guo dalagua kaha degemou.

2-3 Godiha kuguokou be kou gue nalai dala,
Aye adiuou diamokou be midiho bolofei kenou hehegiema. *Lo 5:16a*

Egele ta ebukou do kofu toboube, sabita bolodegele kebou de tanou geleguomou kou gue tobou,

Kege degeibasi, dabal ni degelebe bolonou degemou iligi, sa sibige kuokou tofousogo tafalaguale. *Lo 5:16b*

⁴ Aye diama, ni sisigo dia gofofu degele sagai hobou ta degedama. Ni Hiye Oha tagaiya kenou wou ma dalali, diamokou be defeido yofu e midihog kenou hehegiema.

Polhage dabal degele idi o sasibou, die bosebou diamokou tobou

⁵ Dabal degedi o sagai diama, nige sa sibige kuokou ge ni bosedia tanou dulo sesema. Ni gue degema, kegeligi ni bosedia dihile kokou midihog kasagai ta milou ye deba. Kelesuha ta dulo sesedi sagai kenou tefe, ni bosedia tane defeido duloba, dabal neleido dege degema.

⁶ Ni kegeligi, bosedia hohog degemabadeba, die dihile kokou genou dabal neleido dege degele iye. Dia duguyo mei kelegene, nime Kelesu yofu e dabal degele ilidade tawaleba, Godiha tagali sagaiya kenou hohobolou ba dabal degema.

⁷ Kegei degemou, ni dabal hohog dege degema. Nime bosedia dabainou degediyo mei. Ni Hiye Oha dabal degele idi.

⁸ Ni tewe, o koyoha dabal bologuado degeibabe, Hiye O Godihage diamokou be hebe bolodo ke nemou ile. Dabal degele idi o

sasai**o**, haba die boseb**o** ol**o** fe**i** kediamok**o**
ne tefelen**o** nem**o** ile.

⁹ Bose di**a**ma, n**i**ne n**i** dabai degele idi o sas**a**
kediamok**o** midih**o** bolon**o** hehegiema. N**i**ge
di**a** gu**e** degele sag**a**i ta degedama. N**i** tewe,
Hiye O, hebenit**o** duwo, e**m**e n**i** ol**o** fe**i** Hiye
O. Damal**e**do, Hiye O Godih**a**ge hub**o** ne, hub**o**
mei one e tefelen**o** fidi.

*Kelesuk**o** damaleyodei o sas**a**i dibe Tam**a**h**o**
de biyadi bim**a**i ke mo**o**uma t**o**u ma dalame*

¹⁰ A ma ta uwage tob**o** lam**o** degeli ku**e**.
Hiye O n**i**b**o** de dog**o** guo dala kaha, e
nele hiyedo ke tawaleba, n**i**ne ne**e**do dege
dalaguama.

¹¹ Biyadi bi ol**o** fe**i**, Godih**a** n**i**mok**o** ne**i** ke
kamaba, Tam**a**h**a** n**i**mok**o** hagua og**o** goubabe,
n**i** ne**e**do dege tafalaguali, ku**a**gise dalaguama.

¹² Damaleyodei o sas**a**i dibe sa sibige kuok**o**
ob**o** de ta biya idiyo mei. Tam**a**h**a** e**s**ol o daga
dagab**o**, duo daga dagab**o** ol**o** fe**i** kediab**o** de
biya idi. Sa hulia degei kaha widio o kediab**o**,
duo kasag**a**i, agudilet**o** dalagua kediab**o** de
biya idi.

¹³ Kegem**o**, biyadi bi ol**o** fe**i**, Godih**a**
n**i**mok**o** ne**i** ke kamaba dalali, hagi dugubabe,
ne**e**do dege biyama mei degemaba, ne**e**do dege
tafalaguama.

¹⁴ Kegeba, n**i** ne**e**do dege tafalaguali,
damal**e**do t**a**be fiyati sag**a**i kaha tufoguo kab**a**,

haba midihō dōudobe kuwoye solōu moso gogudi sagai kege goguoba suluguama.

15 Haba, tā uwo bolofej ke tobōu di keme abogōu moso sagai kegei kama, Godibōu de mogo degedi tā bolofej ke hehegiemōu sulugualaba dia dalama.

16 Godikōu damaleyodeibe hebe duli sei sagai tolōu daladi kegenōu tolōu dalama. Tamaha e mala doubōu kaha hagua nimokōu fogouye deba, hebe duli sei sagai ke tolōu ba, solōu moso diōu guobanōu suluguama.

17 Godiha ni mamōu kokōu fimalebe heti gofōudo, ni widiletōu muguoba, haba Godiha tā keme Duo Bolofeiha e aweki sagai ke tōu ma suluguama.

18 Ni Duo Bolofeiha neleya ke Godikōu diho бага tobōu mōu suluguama. Dihō бага tobōu dibe, ni hobōu ta misihodama. Nige Godiha e o sasai kediamē sawisieī olōu fei dogōu guyedema, neledo dege diho бага tobōu ma.

19 Nige Godiha ane dogōu guyedema diho бага tobōu ma. Godiha amokōu hehegieiba, a guē degedi ke fogōu ba, tā uwo bolofej, mogogou deleī kaha sibige ke kuhe hehegile.

20 Godiha a tobōu mōu, egei tobōu mōu siei kaha degemōu, ame didiō degei dala. Mā dabai keme mei degeli mei, you degeli kaha, nige a e tā ke hehegile ke guē degeiye deba diho бага tobōu ma.

Polhage Godihā sa Efesus tie kediame bologuado dia dalayedema diho baga tobou

²¹ A o Tikikus tobou ba, e ile, a degeli ke nimokou kuhe tobolou. Tikikus eme ma mogodo. Eme Hiye Okou damaleyodema dabai degedi o.

²² Damaledo, a e tobou ba, nimokou ilebe, ei degeli ke nimokou tobou maba, haba nimokou dedei sasagieyadeba.

²³ Mogo diama, Aye Godibou, Hiye O Yesu Kelesubou dilie degeiye, nime bologuado dalaguali, ni damaleyodei keme neledo degeba, ni niou sie yogokou solou do degeiba solou do degeiba dele.

²⁴ Haba, o sasai di Hiye O Yesu Kelesukou hoho degele idi kediame, Godihā habagugueibe diabou de dalale.

Konai
Konai: Godihā Tā Bolofej New Testament
Nupela Testamen long tokples Konai long Niugini
copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94